

«ТАСДИҚЛАЙМАН»
ИИВ Молия ва моддий техника
таъминоти департаменти бошлиғи
полковник

А. А. Абиджанов
» 03 2022 йил

Ўзбекистон Республикаси Ички ишлар вазирлиги марказий аппарати худудида жойлашган Хотира майдонини капитал таъмирлаш учун лойиҳа-смета ҳамда дизайн ҳужжатларини тайёрлаш бўйича

ТАНЛОВ ЭЪЛОН ҚИЛАДИ

Буюртмачи: Ўзбекистон Республикаси ИИВ Молия ва моддий-техника департаменти.

Лойиҳа-смета ҳужжатларини ишлаб чиқиш муддати алоҳида қўрсатиб ўтилган.

Лойиҳа ишларини молиялаштириш: Ўзбекистон Республикаси Давлат бюджетидан ташқари маблағлар хисобидан амалга оширилади.

Таклифлар факат Давлат тилида қабул қилинади.

Танловда иштирок этиш учун ташкилотлар қуидаги талабларга мос келиши лозим: ишлар (хизматлар)ни бажариш учун зарур бўлган меҳнат ресурслари ва мутахассисларга, етарли касбий ва техниковий малакага, танловга қўйилган обьектга ўхшаш обьектларда лойиҳа-смета ҳужжатларини ишлаб чиқиш тажриба ва кўникмаларга, шартнома тузишда фуқаролик-муомала ҳамда хукукий лаёқатга эга бўлишлари лозим.

Ташкилотлар танлов таклифларида лойиҳа ишларини бажариш қиймати қанча эканлигини кўрсатиб ўтишлари шарт.

Танловда иштирок этувчилар: бирламчи лойиҳа ҳужжатлари билан танишиш учун Буюрмачининг қуидаги манзилига мурожаат этишлари мумкин: Тошкент шаҳри, Яккасарой тумани, Ю.Ражабий кўчаси, 1-уй. Тел/факс: 71-231-40-50, 71-231-45-81,

Тонловда иштирок этишни ҳоҳловчилар ўз таклифларини эълон берилган кундан бошлаб 10 (үн) кун ичida қадар тақдим этишлари лозим.

Танлов таклифлари бир нусхада муҳрланган конвертларда кузатувчи хат орқали қабул қилинади.

Танловни ўтказиш вақти 10 (үн) кун муддат тугаганидан сўнг 3 (уч) иш кунида Буюртмачи манзилида.

Банк реквизитлари: Тошкент шаҳар, Ю.Ражабий кўчаси, 1-уй.

Ўзбекистон Республикаси ИИВ Молия ва моддий-техника таъминоти бош бошқармаси x/p _____, ИИН 200637696, ОКОНХ 97300, ОКЭД 84111, Ўзбекистон Республикаси Молия вазирлиги Фазначилиги Амалиёт бошқармаси x/p 23402000300100001010, МФО 00014, Ўзбекистон Республикаси Марказий банк ХКМ.

**Танловга қўйилган обьектининг лойиҳа-смета ҳужжатларини тайёрлаш
энг юқори нарҳлари**

Т/Р	Объектнинг номи	Куввати	Энг юқори нарҳ ҚҚС билан	Бажариш муддати
1	Ўзбекистон Республикаси Ички ишлар вазирлиги марказий аппарати худудида жойлашган Хотира майдонини капитал таъмирлаш учун лойиҳа-смета ҳамда дизайн ҳужжатларини тайёрлаш бўйича	-	90 000 000	10 кун
Жами:				

ЛОЙИҲА ТАШКИЛОТИГА ҚЎЙИЛАДИГАН ТАЛАБЛАР

- (1-талаб) Танлов иштирокчиси тўғрисида умумий ахборотлар. Ушбу талабга илова тариқасида лойиҳа ташкилоти ходимларнинг етарли малакага эга эканлиги, шунингдек, ташкилотда доимий ишловчи ходимларнинг сони тўғрисида маълумот тақдим қилиш шартлигини белгилаш.

- (2-талаб) Танлов иштирокчисининг охирги З (уч) йил давомида Давлат буортмачилари билан ишлаганликлари ҳақидаги маълумот илова қилиш шартлигини белгилаш.

- (3-талаб) Охирги З (уч) йилда қурилиш ва реконструкция обьектларида лойиҳа ишларини бажариш бўйича иш тажрибаси ҳақидаги маълумот илова қилиш шартлигини белгилаш.

- (4-талаб) Махсус ахборот порталаида эълон қилинган танлов иштирокчиларининг таклифлари эълонда белгилangan тартибда танлов ўtkазиш тўғрисидаги эълонда кўrsatilgan манзил бўйича муҳрланган конвертларда тақдим этилади.

Танлов ташкилотчисининг 2018 йил
4 декабрь кунидаги 224-сонли
байёнома билан
тасдиқланган

**ТАНЛОВЛАРНИ ТАШКИЛ ЭТИШ ВА ЎТКАЗИШДА
ТАНЛОВ КОМИССИЯСИНИНГ ИШ ТАРТИБИ
(РЕГЛАМЕНТИ)**

1. УМУМИЙ ҚОИДАЛАР

1.1. Танлов комиссиясининг иш тартиби Ўзбекистон Республикаси Конунчилик палатаси томонидан 2018 йил 25 январда қабул қилинган, Сенат томонидан 2018 йил 29 марта маъқулланган “Давлат харидлари тўғрисида”ги Конунининг 7-боб, 50-55-моддалари талаблари асосида ишлаб чиқилган бўлиб, танлов комиссиясининг танловни ташкил этиш ва ўтказиш жараёнида олиб борадиган иш тартиби, функциялари, хукуқ ва мажбуриятларини белгилайди.

1.2. Мазкур иш тартиби (кейинчалик регламент) тавсия хусусиятига эга, танловларнинг предметидан қатъий назар, танлов комиссияси томонидан ўзгартиришлар киритилиши ва белгиланган тартибда буюртмачи томонидан тасдиқланиши мумкин.

1.3. Танлов комиссияси, танловларнинг бевосита иштирокчиси бўлган ҳолда (танловларни ўтказиш жараёнида доимий орган), буюртмачининг буйруғи ёки бошқа фармойиш берувчи хужжати билан тузилади ва танловларнинг тартиботига доир масалаларни кўриб чиқишига, муҳокама этиб тасдиқлашга хукуқлидир.

2. ТАНЛОВ КОМИССИЯСИНИНГ ИШ ФАОЛИЯТИНИ ТАШКИЛ ЭТИШ

2.1. Танлов комиссиясининг дастлабки йиғилиши, танлов хужжатининг расмийлаштириш жараёнида комиссия:

1. Ўз иш регламентини белгилайди ва уни тасдиқлаш учун комиссия раисига тақдим этади;

2. Кўриб чиқади ва тасдиқлайди:

- таклифларни кўриб чиқиши мезонларини;

- таклифларни очиш куни, вақти ва жойини белгилайди (махсус ахборот порталида ёки Ўзбекистон Республикаси ИИВ сайтида эълон қилинган кундан бошлаб 10 кундан сўнг, таклифномалар жўнатилган кундан бошлаб 3 кундан сўнг);

- айрим сабабларга кўра танлов ўтказилмай қолган тақдирда, такроран танловни ўтказиш ҳақидаги эълон маҳсус ахборот порталида ёки Ўзбекистон Республикаси ИИВ сайтида эълон қилинган кундан бошлаб 5 иш кунидан олдин бўлмаслигини.

2.2. Лойиҳани амалга оширишда қийматларидан, муддатларидан ва ишларнинг хусусиятидан қатъий назар, ҳар бир объект бўйича таклифлар алоҳида кўриб чиқилади.

2.3. Танлов комиссияси қайсиdir битта танлов иштирокчисига устунлик берадиган танлов таклифлари белгилашга хукуки йўқ.

2.4. Танлов комиссияси йиғилишларда, қоидага кўра, таклифлар солинган конвертларни очади, малакавий баҳо беради ёки бошқа қарорлар қабул қиласди.

2.5. Йиғилишларда комиссия раиси томонидан тасдиқланадиган ва иштирок этган барча комиссия аъзолари имзо чекадиган баённомалар юритилади.

2.6. Танлов комиссияси котибининг вазифаларига танлов комиссиясининг ишчи хужжатларини расмийлаштириш ҳамда ҳар бир бўлиб ўтган йиғилишларни баённомалаштириш киради, бунда комиссия котиби мустақил овоз бериш ҳуқуқига эга эмас.

2.7. Коидага кўра, танлов комиссиясининг котиби этиб, танлов савдоси буюртмачисининг вакили тайинланади.

3. ТАКЛИФЛАРНИ ОЧИШ ВА КЎРИБ ЧИҚИШ

3.1. Таклифларнинг очилиши танлов комиссиясининг йиғилишларида қатнашиш истагини билдирган талабгорлар ёки уларнинг ваколатли вакиллари иштирокида қуйидаги тартибда амалга оширилади:

- барча талабгорларнинг конвертлари кўздан кечирилади, уларнинг ташқи кўриниши комиссия томонидан тасдиқланган танлов хужжатларининг талабларига мос келиши керак;

- таклифларнинг тўғри расмийлаштирилганлиги текширилганда, кўриниши комиссия томонидан тасдиқланган танлов хужжатларининг шартларига мос келиши керак.

3.2. Очилган конвертлар таркибида 1, 2, 3, 4-талаблар нотўғри расмийлаштирилганлиги аниқланса, таклиф хужжатлари талабгорга қайтариб берилади.

3.3. Таклифларни ўрганиш талабгорлар ёки уларнинг ваколатли вакилларининг иштирокисиз, тасдиқланган талаблар, мезонлар асосида ўрганиб чиқилади, бунда танлов комиссиясининг раисига ва аъзоларига таклифларнинг асл нусхалари топширилади.

3.4. Берилган таклифларда нарҳ-наволар ва муддатлар бир хиллиги аниқланган тақдирда кўпчилик овоз билан ҳал қилинади, агар овозлар тенг бўлганда, комиссия раисининг овози ҳал қилувчи хисобланади.

3.5. Талабгорлар танловда иштирок этиш юзасидан ўз фикрини ўзгартириб, иштирок этишни истамаган ҳолларда берилган таклифи очилмасдан қайтариб берилади.

3.6. Агар таклифнинг ташқи кўринишига зарар етган бўлса ва бундан талабгорнинг хабари бўлмаса, унда талабгор танлов комиссиясининг йиғилишида таклиф очилиши вақтида бу ҳақида таъкидлаб ўтишга ҳақлидир. Бундай ҳолларда танлов комиссияси танловларини тўхтатиши ва текшириб кўриши учун талабгорнинг таклифини қайтариб бериши керак.

4. ТАНЛОВЛАР ҒОЛИБНИ АНИҚЛАШ

4.1. Талабгорлар орасида лойиха-смета хужжатларини тайёрлаш учун энг мақбул таклиф ғолиб деб хисобланади.

4.2. Танлов комиссиясининг овозга қўйиш натижалари ҳақидаги маълумотлар махфий ҳисобланади ва ошкор этишга йўл қўйилмайди.

4.3. Танлов ғолиблари комиссия томонидан иштирок этиш истагини билдирган танлов қатнашчиларининг иштирокида эълон қилинади.

4.4. Комиссия томонидан келиб тушган таклифларга нисбатан қабул қилган карори якуний ҳисобланади ва шартнома имзоланади.

5. ТАНЛОВ КОМИССИЯСИННИГ ХУҚУҚЛАРИ

5.1. Танлов комиссияси талабгордан давлат Буюртмачилигида қандай объектларда лойихалаш ишларини амалга оширганлиги ҳақида тасдиқловчи далилларни ҳужжат шаклида талаб қилишга ҳақлидир.

5.2. Танлов комиссияси ўзининг қарори билан қуидаги ҳолатлар бўйича:

- тақдим этилган ҳужжатлар танлов ҳужжатларининг талабларига мос келмаганда, нотўғри маълумот ва Ўзбекистон Республикасининг амалдаги қонунчилигига зид бўлган ҳоллар аниқланганда;
- агар танлов предмети ҳисобланадиган ишлар ёки хизматларни бажариш билан боғлиқ бўлган фаолият Ўзбекистон Республикаси қонун ҳужжатларига мувофиқ лицензияланиши керак бўлсада, талабгорнинг лицензияси бўлмаса;
- агар талабгорлар қайта ташкил этиш (бўлиниш, бирлашиш), тугатиш ёки банкротлик босқичида бўлган, мулки хатлаб қўйилган ҳолларда;
- муассислик ҳужжатлари, молиявий қатнашиш, холдинг шаклида ва бошқа шаклларда ифодаланган бир-бири билан бевосита ташкилий-хуқуқий ёки молиявий боғлиқ бўлган ҳоллар мавжуд бўлганда;
- талабгорни четлатишга ва таклифларни кейинчалик ўрганмасдан қайтариб беришга ҳақлидир.

5.3. Комиссия танловларни ўтказиш жараёнида танлов иштирокчилари томонидан келиб чиқсан фикр-мулоҳаза ва талабларни 15 кунлик муддатдан ошиб кетмаган ҳолда кўриб чиқиб, қарор чиқариши ва жавоб йўллаш хуқуқига эгадир. Танлов тартиботларидан келиб чиқсан келишмовчиликлар ва низолар Ўзбекистон Республикасининг амалдаги қонунчилик ҳужжатларида белгиланган тартибда кўриб чиқлади.

5.4. Танлов комиссияси талабгор томонидан тақдим этилган ҳужжатининг таркиби бўйича изоҳлар билан тушунтиришлар киритишига йўл қўйишга ҳақлидир. Бунда таклифнинг мазмунини, шу жумладан нарҳи ёки бажариш муддатини ўзгартирувчи тушунтиришлар берилишига йўл қўйилмайди.

5.5. Танлов комиссияси қуидаги ҳолларда:

- танлов комиссияси томонидан белгиланган муддат якунига 2 тадан кам таклиф келиб тушса;
- барча таклифлар танлов ҳужжатлари шартларига мувофиқ бўлмаса;
- талабгорлар томонидан таклиф этилган нарҳлар эълон қилинган бошлангич нарҳга нисбатан юқори бўлганда;
- танлов комиссияси томонидан асосланган бошқа ҳолатлар пайдо бўлса, ўтказилмаган деб ҳисоблашга ҳақлидир.

5.6. Танловнинг ўтказилмаган деб эълон қилиниши танлов комиссиясининг мулкий ёки бошқа тусдаги жавобгарлигига олиб келмайди.

5.7. Танлов комиссияси танлов тартиботлари бўйича хар қандай қарорга келиши мумкин, қачонки ушбу қарорлар тегишли қарорлар негизида бўлса.

6. ТАНЛОВ КОМИССИЯСИННИГ ЖАВОБГАРЛИГИ

6.1. Танлов комиссияси:

- танлов тартиботининг босқичларида кворумсиз (танлов комиссияси аъзоларининг сони етарли бўлмаганида), камчилик овоз билан ва ёки танлов ҳужжатларининг талабларини ҳисобга олмасдан туриб танлов комиссияси томонидан қарор қабул қилинишига;
- талабгордан унинг малака маълумотларига мувофиқлигини тасдиқловчи

далилларни ҳужжатли шаклда тақдим этишнинг асоссиз талаб қилиниши;

- таклиф мазмунини ўзгартирадиган түшүнтиришлар ва тузатышларга йўл кўйилганлиги, шу жумладан нарҳлар ёки бажариш муддати ўзгартирилганлиги;
 - танлов ғолибининг танлов комиссиясининг очиқ мажлисида аниқланганлиги, танлов ғолибини эълон қилиш тартиботи бузилганлиги;
 - танлов тартиботининг бошқача бузилишлари учун жавоб беради.

7. ЯКУНИЙ ҚОИДАЛАР

Мазкур иш тартиби танлов хужжатининг ажралмас қисмидир ва танлов комиссияси томонидан кўриб чиқилгандан ва танлов камиссияси раиси тасдиқлаган вақтдан бошлаб кучга киради.

СЎРОВНОМА БЕРИШ ШАКЛИ

Ўзбекистон Республикаси ИИВ
Молия ва моддий - техника
таъминоти департаменти Хўжалик
бошқармаси бошлиғига

T/p	Объектнинг номланиши	Баҳоси ҚҚС билан	Баҳоси ҚҚС билан	Ишларни бажариш муддати	Изоҳ
1	2	3	4	5	6

(ташкилот раҳбари)

(ИМЗО)

(ФИШ)

КЕЛИШИЛДИ.

ИИВ Хўжалик бошқармаси бошлиғи подковник

ИИВ Хўжалик бошқармаси жъб бошлиғи катта лейтенант

Ш. О. Азим

Т. Т. Хонимов